

PAPA NOBO: JOHANNES XXIII


- Angelo Guiseppe Roncalli -

Entusiasmo indescriptible riba pleenchi dilanti di Iglesia di San Pedro ora e Papa nobo a presenta riba e loggia

ROMA, 28/10. Ayera merdia a sali huma blancu for dje schoorsteen dje Capilla Sixtina na Roma, indicando cu e cardenalnan den e conclave a eligi un Papa nobo y cu el a ser accepta. Mgr. Angelo Guiseppe Roncalli a worde scohi. E ta Patriarca di Venecia, y como number Papal el lo carga Johannes 23.

Desde cu a bira conoci cu tin un Papa nobo e multitud di hende riba e plein grandi dilanti dje iglesia di San Pedro a redobla su mes. Esey a sosode den un hora.

Na cumunzamento e huma cu a anuncia e Papa nobo tabata masha tiki y tabata parece pretu. Despues por a mira claramente cu e tabata blancu y e ora ey Radio-Vaticano a informa cu tabatin un Papa nobo.



Papa Johannes XXIII
Angelo Guiseppe Roncalli

Despues Radio-Vaticano a suprimí e noticia. Pero mas laat el a informa definitivamente cu tabatin un Papa nobo. A dura poco hora prome cu number dje Papa nobo tabata conoci.

E Papa su number propio ta Angelo Guiseppe Roncalli.

Television a trata di muntra tur hende cara dje Papa nobo via un transmission directo for dje plein di San Pedro na Roma. Dia 28 di October 1958 lo ta un fecha historico. E entusiasmo dje miles di hendenan, riba e plein dilanti dje misa di San Pedro, ora cu e Papa nobo a aparece riba e loggia, ta indescriptible.

E corresponsal di AFP, Robert Mengin, a skirbi cu e ora dje Papa nobo ta contrario dje cara flacu, espiritualiza dje defunto Pio XII.

E ex-Patriarca di Venecia ta gordo y no ta sconde su descendencia di campesino. Su cara ta rondo y cu un expresion tierno. Toch e ta duna hende un impresion solido, sin cu e ta autoritario. E ta un orador excelente. E Papa nobo ta bon na altura dje problemanan social.

Desde di 14 siglo ningun Papa no a carga e number Johannes mas. Papa Johannes XXII tabata Papa for di 1316 pa 1334. Un anti-Papa a carga e number Johannes XXIII na 1415, pero nunca e no a hantia re-conocimiento. El a muri na 1419. Na e momento cu Papa a contesta

den afirmativo riba e pregunta, si e ta accepta su eleccion, su trabao papal a cuminsa.

Inmediatamente despues cu e Papa a dicidi cual number lo e tuma pa consagra pastoor na Roma. Di 1905 pa 1914 e tabata secretario priva di Mgr. Radini Tedeschi, obispo di Bergamo. Den e periodo di tempo ey el a continua su estacionan na e Seminario di Bergamo. Durante e prome guerra mundial Papa tabata di dje, den e caso aki Johannes XXIII, e cardenalnan a expresa nan lealtad. Despues henter un serie di ceremonia tradicional a tuma lugar den e Capilla Sixtina.

Ora cu Johannes XXIII a aparece pa di prome bez riba e loggia over dje plein di San Pedro, el a duna e multitud un sonrisa mientras cu el a bendiciona nan. Na e momento ey a reina un silencio completo riba e plein grandi cu e mas cu 10 mil hendenan cu tabata tey. E Papa tabata bista na panja papal caba. Aina no ta conoci riba cual fecha lo e worde corona.



Tambe mester dicidi ainda riba qui dia e obispo nobo di Roma lo bishita su catedral. Mayan e conclave lo termina y no awe nochí, manera tur hende a spera. Asina ta cu e cardenalnan lo pasa un anochi den nan varios

Biografía corto
Angelo Roncalli a nace dia 25 di November 1881, na Sotto il Monte, como yiu di un familia di campesino. El a termina su estudionan na e Seminario di Bergamo entre 1892 y 1900. Despues el a studia na e Seminario Romano tambe, caminda el a ricibi su diploma di teologia na 1904.

Dia 10 di Augustus 1904 el a worde entre otro pastoor den varios hospital militar.

Despues di guerra Papa a dedica su mes na e trabao dje misionnan. Na 1925 el a cuminsa traha den Seminario dje Lateranano. Den e mes anja ey Papa a bishita pa Bulgaria, caminda el a queda te 1930, como obispo. El a bishita Grecia y Turkia tambe.

Na December 1944 e Papa actual a worde nombra Nuncio na Paris.

Na Januari el a bira cardenal. Despues a sigui su nombramento como Patriarca di Venecia.

E Papa a skirbi varios buki historico.

Gran satisfaccion
Circulonan diplomatico Frances a ricibi e eleccion di cardenal Roncalli como Papa cu gran satisfaccion. E tabata Nuncio Papal na Paris net despues dje segundo guerra mundial y

e ta conoci den circulonan diplomatico y politico Frances.

Na Paris e Papa nobo ta conoci pa su bondad y su tolerancia, y pasobra e ta un diplomaat excelente cu ta studia tur problema facilmente.

Ora cu el a aparece riba e loggia e multitud di hende a yamele bek. Pero Johannes XXIII no a sali pa di segundo bez despues cu el a drenta. Di tur parti di Italia hendenan ta bai Roma.

E poliznan a worde fortifica, pero toch nan tin masha tanto dificultad pa domina e cantidadnan di hende.

General De Gaulle a manda e Papa nobo un telegram di felicitacion.

Texas Furniture Store
voor
Zitkamerameublementen



Intrepido
ORANJESTAD. — E barkeeper M.B. di Union Bar a participa dialuna mainta, cu parce nan a forza y drenta e lugar aki, pa nan coge un cahita di heroce di guarda placa cu f 452. — Nan a drenta e lugar kibrandos dos tabla y zaag e slot.

FATUM — Tel.: 1845
Pa tur bo aseguranon

Den trampa
Siman pasa polis di Santa Cruz a ripara cu un tal B., kende nan a kita su rijbewijs, tabata stuur auto A-550 ketoe di dje. Como e trafico tabata druk nan a perdele fin bista, pero poco rato despues e polisnan di Santa Cruz a bolbe topa cu e auto mencionada. Pero ora B. a ripara cu polis tabata persiguiel e la trata di hoci, loke e la logra, abandonando en auto canto di caminda na Seroe Patrishi y huntu cu su companjeronan e la hoci den cunucu. E ora polis a hiba e auto A-550 warda y awor nan ta trahando un bon proces-verbaal contra B.

Hanja y perde
E polis Keunen a depone na warda un renchi di oreca cu a worde hanja den un autobus. Efigenio Martinus di Madiki 36 a hanja un bril di lesa den un estuche blauw na POVA beach den santu. Ivy James di Village Noord 196 a perde su cartera color maron di cuero cu placa den y un pida loteria di gobierno number 22866.

BISHITA DI GOBERNADOR NA ARUBA



Ajera mainta S. E. Gobernador Spekenbrink cu su esposa a jega Aruba pa un bishita di algun dia. Parti atardi e la haci un bishita na e teatro nobo cu ta casi termina. Un parti dje compania nos a logra pone riba e foto aki. Nan ta di robez pa drechi Sr. F. van Drimmelen, kende pa C.C. A. ta controla e construcion, tijd. Gezaghebber E. Arends, Sr. Spekenbrink, Sr. Jan H. Beaujon, president di C.C.A., Sr. L. C. M. Kerstens tambe di directiva di C.C.A. y e gobernador. Tambe tabata presente den nan compania deputado E. Petronia, Sres. E. Bentley Fowler y P. Sutthoff, adjuntant H. van Lookeren Campagne y su esposa.



Miembronan di Lions a companja e shers te na porta di santana. Aki nos ta mira ds. Visser haciendo su discurso na graf di e fallecido. Su parientenan, conocirnan, amigosnan, manera e foto ta mustra un gran multitud a bin duna e ultimo tributo na Aart in 't Veld.

Aruba a perde un bon hende

Di repente un bon hende a worde hiba for di nos, un persona cu no a termina su tarea ainda, y cu tabata jen di plan pendiente pa pone den realizacion, asina ds. J. Visser a papia na graf den santana Acacia na Oranjestad, na unda resto mortal di Senor Aart in 't Veld tabata, e comercianta bon conoci y aprecia kende dialuna 'nochi totalmente di repente a fallece.



AART IN 'T VELD

tempo su negoshinan a bai creciendo. E servicio amistoso aki e no a lubida jamas. Aart in 't Veld a sinja con importante amistad ta den bida y den negoshi. Tabata door di esaki ta e motibo cu despues ora cu e tabata den ocasion — a yuda tanto hende, sin blof, completamente den silencio.

Tabata un gozo pe, pa pasa pa un homber cu ta reger manera un leon, pero esan cu a hanja oportunidad di conoce mihor sa dje curazon di oro cu ta sconde tras dje mascara ei, un curazon cu semper tabata habri pa yuda otro cu ta den dificultad.

Asina cu no tabata un sorpresa pa nos di a mira tanto hende durante su entierro. Di mas grandinan te na mas chikitu, di President di Lago O. Mingu te na e simple trahador di dje di un di su negoshinan. Comerciantenan, mucho hopi pa menciona, personal y amigonan di tur e sociedadnan.

Na april dje anja aki tabata 25 anja cu Veld Stores ta existi. Lastima


circunstancianan personal a stroba di celebra esaki. Pero indudablemente senior in 't Veld lo no a para ketu ora cu e la jega na e mijlpaal aki. E lo a mira patras y lo a pensa con un principio chikitu a para aumenta te na tres negoshi grandi na nos isla, moderno y esencial.

Progreso di su negoshinan sin embargo no a strobe di haci su mes util pafor dje esei tambe. Anjanan largu bo por a tende su stem como tesorero dunando su relato di anja di e asociacion di comercio, nuebe anja e tabata den directiva di Camara de Comercio. Den Club di Leones e tabata presidente y a representa Aruba den un Conferencia Internacional na San Francisco anja pasa. E tabata un miembro distinguido di Loge "El Sol Naciente" y un valeroso miembro di "Onze Vloot". Den un palabro bo por a hanja Aart in 't Veld tur caminda na unda e tabata necesario.

Y awor di repente, e la fallece, na un edad hoben ainda di 51 anja, lagando patras su apoyo y consuelo, su esposa Truus, su dos junan Aart Jr. y Bep, su ruman muher Marie esposa di Charlie Brouns y su ruman Kees.

"Morto ta un realidad cu nos tin di confronta impotente", asina domi Visser a bisa tambe den su discurso. E realidad aki berdaderamente ta marga y laga nos spera cu su parientenan lo hanja suficiente forza pa carga e golpi duro aki Aart in 't Veld, un bon hende a laga nos, cu e lo desansa na paz....

MIGHTY SPARROW Y LORD MELODY NA ARUBA



Por fin e dos maestronan di calypso ta na Aruba. Mighty Sparrow y Lord Melody, dos dje cantantenan di calypso di mas nombra na mundo. Awe nochí 8'or nan lo duna un presentacion den Swingster Square Garden na San Nicolas. Despues non lo canta den Lago Heights Club, Esso Club y algun otro club mas na Oranjestad.

Pelicula pa mucha na San Nicolas

SAN NICOLAS. — Diahierne proximo, dia 31, nan lo bolbe pasa un pelicula pa muchanan den Club Surinam na San Nicolas. pa motibo cu e peliculanan anterior cu nan a pasa tabatin hopi animacion, ora nan mester a deholbe varios muchanan, como no tabatin mas lugar. Na 17 lo bolbe pasa e pelicula di dia 17 di october: e nuebe bunita peliculanan.

Verf Van Vettewinkel



DE VEER THEATER
8.30 or 18 anja
"HOUSE OF NUMBERS"
Cu: Jack Palance - Barbara Lang
Fls. 1.50 Fls. 1.00

RIALTO
8.00 or 18 anja
"CIEN MUCHACHAS"
Cu: Christian Martell - Tony Aguilar - Corona y Arau - Leonor Lausaus
Fl. 1.25 Fl. 1.00

PRINCIPAL
10.00 or
"THE MARRIAGE OF THE FAIRY PRINCESS"
Cu: Tung Yung - Yen Teng Ying - Chan Yun Feng.
Na Chinese cu titulo na Ingles
Fl. 3.00 - Mucha Fl. 1.50 Fl. 3.00 - Mucha Fl. 1.50

AURORA
7.30 or 18 anja
HELL'S OUTPOST
(FRONTERAS DEL INFIERNO)
Cu: Rod Cameron - Joan Leslie - John Russell
THE FIGHTING CHANCE
(LA CARRERA DE LA SUERTE)
Cu: Rod Cameron - Julie London - Ben Cooper
Fls. 0.50 Fls. 0.50

SAVANETA
7.30 or 18 anja
LITTLE EGYPT
(FERIA DE PASIONES)
Cu: Mark Stevens - Rhonda Fleming - Nancy Guild - Charles Drake
Fls. 0.50 Fls. 0.50

BAAS TOMMY

y su amigonan di Arubaanse Courant



Na Tempo Ainda Pa E Pic-nic

Tabatin un famia, cual ta consisti di tata, mama y cuater jiu: Lenny, Wimpy, Eddy y Jeany. Y nan tabatin un cachu blancu jen di lana, y e jama Waf.

Nan wela lo haci anja diadomingo y un anochi prome e mama ta bisa e muchanan: „Mi tin bon noticia pa bonan; mayan nos tur ta bai pasa henter dia na pic nic, na unda huntu cu boso omonan, tantanan, primonan y primanan nos lo celebra anja di gran!”



MAMA

„Esta bon, esta bon! e cuater muchanan ta grita parew. „Cuantor nos ta sali?”

„Na squina di calla nos ta topa cu e otro famianan, y nos tur ta bai cu

bus grandi cu ta sali 7'or y mei di e plenchi banda di warda di polis”, e mama ta bisa.

„Basta nos no perde aribal e muchanan ta bisa trobe. 7'or y mei ta trepan pa diadomingo mainta, y si nos perde e bus ei, ta te despues di un hora nos ta hanja otro!”

„No preocupa cu esei”, papa ta bisa, „lo mi pone e holoshi ring 6'or y mei”.

„6'or y mei ta parce mi poco laat”, e mama ta haya. Y asina e cuater jiu-nan tambe ta opina.

„Ah, e tata ta murmura, tin suficiente tempo pa prepara y jega na tempo”. Ami no kier perde mas sonjo cu ta necesario!”

„Ta bon anto”, e mama ta contesta. Y e cuater muchanan no ta bisa nada mas, pasobra asunto di holoshi semper ta na papa su cuenta. Unicamente e cachu blancu ta bisa „woef”, y tabata parse triste pasobra e si no por bai pic nic cu e familia.

Prome cu nan bai drumi, mama y e muchanan ta haci algun preparacionnan necesario ja mainta no ta perde tempo sin necesidad. Porfin 8'or a bai y ta ora p'e muchanan bai drumi. Nan ta bisa, „Bon nochi, papa, bon nochi mama. 6'or y mei no ta mucho laat pa nos lanta, papa? Un di nan ta risca puntra ainda.

„Laga esei pa mi cuenta, bai drumi rumo. E tata ta contesta, y e ta pone e holoshi pa ring net 6'or y mei.



Tabata un dje holoshinan di tempo bieuw ainda, cu e bel grandi manera un sombre di nikkel riba cabes di un homber barica gordo, y tres pia di nikkel chikitu asina. Pero e tabatin un stem, ja bo sa, e por a pusta cu klok di misa!

„Tik... tak... tik... tak”, e holoshi tabata camna, ora cu papa ta riba su cama. Pero ta mesos cu e ta avisa papa:



PAPA



LENNY

„Mucho... laat... mucho laat...”

„Toch mi ta kere cu 6'or ta poco laat en realidad, e ta pensa. „Lo mi hala e holoshi mei ora mas dilanti!”

E ta baha foi su cama cu cuidao pa no lanta mama foi sonjo y ta pone e holoshi cu ta marca 10'or y mei pa 11'or. Awor si nos ta sigur na tempo e ta bisa den su mes y contentu ta subi su cama y ta tapa cu kleechi di cabes te pia y ta bai drumi dushi asina trobe.



JEANY

Rato despues ta mama ta lanta. „Lanta 6'or y mei, si bo, mester hanja bus di 7'or y mei cu cuater mucha pa banja, bistu, y otro preparacionnan, ai no, ta mucho laat. Y poco poco e ta baha foi cama y ta pone e holoshi mei ora dilanti tambe. Awor si nos por bai cu calma mainta, lanta seis'or ta net bon!”

Ora cu papa y mama ta morto na sonjo, ken ta lanta awor? Ta Lenny. „Ta con papa ta eigenwijs asina cu e holoshi”, e ta pensa den su mes. „E ta laga e holoshi ring pa 6'or y mei. Sigur nos no ta bini cla pa hanja e bus di 7'or y mei!”

„Bo sa, mi ta hala e holoshi mei ora dilanti sin cu nan sabi!”

Riba su punta di pia e ta bai den camber di papa y mama y ta cumpli cu su deseo.



E porta di camber ta krak, y Wimpy ta spierta. Mes ora e tambe ta pensa riba e pic nic di mainta trempan. „Lanta 6'or y mei, pa camna

bai na squina dje calla, ora cu tanta Tina cuminsa papia e no sa stop y Yolanda y Consuelo y tur e otronan, ai no! Mi ta pone e holoshi mei ora dilanti!”



Mas laat den anochi Eddy ta bini cu e mes un pensamiento y Jeany tambe. Sin cu e otronan sa nada, nan tambe ta hala e holoshi dilanti.

Y ora cu ta 3'or y mei den madrugada, e holoshi ta ring:

„Rrrrrrr...” y ta saca henter e famia foi cama.



„Seis'or y mei!” tur seis ta grita, pasobra ningun hende no kier pa e otro sa cu e la hala e holoshi mei ora padilanti. „Bam mira, muchanan, papa ta bisa, si no nos no ta bini cla pa 7'or y mei!”

Nan ta pura, nan ta come un sandwich den man, guli nan thee cajente, pasa man pa e regalo di gran, y tashan di cuminda y cosnan di pasa boca na pie nic y ta sali foi cas. E cachu blancu jen di lana ta bolbe dreanta su hoeki y ta bai drumi trobe.

„Ta ketu ainda den caja”, mama ta hanja.

„Pasobra ta diadomingo, papa ta opina, anto tur e hendenan ta drumi te laat.

„Ta seur ainda tambe, e muchanan ta bisa.



WIMPY

Nan ta jega na squina dje caja, ningun hende, ni tanta, ni onio, ni primo, uada. Nos lo ta laat, bam na e plenchi di warda di polis, podiser nan ta den bus caba. Nan ta jega aja nan, y nada.... ta awor numa manera ta cumisa bira poco mas cla, y solo ta cuminsa sali....

Ni e bus no a jega ainda. Y mester ta den cuenta di 7'or caba, papa ta bisa, pasobra den anochi m'a lanta y m'a hala e holoshi mei ora dilanti....

„Bo tambe, e mama ta puntra span-ta. Y e muchanan tambe ta bisa kiko nan a haci. „Anto awor aki ta den cuenta di 5'or pasa! Wimpy ta calcula lihet.



WAF

Net un polis ta pasa y e ta tende:

„Si, awor aki ta net 5.10, casi dos ora y mei prome cu e prome bus sali. No ta keda nada otro di bai cas trobe. Poco poco nan ta keiru bai cas trobe.



EDDY



Pa haci e tempo pasa mas lihet, tur ta pasa man pa un boeki y ta cuminsa laca. Pero.... despues di 15 minuut prome cu ta pega sonjo ta papa. Ni 5 minuut despues, mama tambe, y despues ta sigui e muchanan uno pa uno.

Y pa 6'or y mei ainda nan ta drumi dushi asina, y e holoshi no ta ring....

Net ta 7'or y mei e cachu blancu jen di lana ta bisa „Woef”. Tur ta bula lanta, pero awor nan ta laat pa e prome bus, cu hopi correntu y puramentu nan a hanja e di dos bus.

Toch nan tabatin un bon dia huntu cu gran y tur e otro famianan na e pic nic!

TEST BO MES

Den „Test Bu Mes” di siman pasa, dia 22, tocante Baron van Slibbon y su watchman Jacobo, den ultimo parafo dus linea a cai afo y e ultimo parti a baha un poco. Ta ves e problema a bira mas difitil pa contesta. Pesey e ultimo parafo ta worde ripiti, como aclaracion:

Despues cu baron Van Slibbon a bolhe foi Inglaterra yen di placa cu e la hanja di su tanta, e ta bisa: „Jacobo, b'a scapa mi bida, bo tabatin razon tocante e avion cu a accidenta, y pa bo bon hecho mi ta regala bo 10.000.— florin. Pero sin embargo mi tin di bisa bo cu ta duel mi masha hopi, pero mi no tin mester di bo servicio mas di awe pa dilanti!”

E PREGUNTA TABATA: Pakito Baron Van Slibbon a kita Jacobo foi trabao?

CONTESTA CORRECTO querido amigo y amiganan: „Jacobo a sonja cu su baas Van Slibbon lo a accidenta a bordo di un avion, berdad? Pero e Baron ta prefera un watchman cu ta haci waqda y no uno cu ta drumi ora di trabao. Esaki ta motibo cu e la duna Jacobo su retiro. Bon suerte e siman aki.

Pa e siman aki:

Algun tempo pasa Baas Tommy a lesa den un corant un relato di un crime den un truck di pam. Bo ta corda e caso ei? No? Wel laga mi conta bo den algun palabra:

Durante mediano di anja 1938 — pa ta mas exacta tabata 31 di Juni 1938, a-tardi 3'or, un grupo di bandido a kidnap Betsy Noekil, pa motibonan desconoci. E mes anochi nan a „descubri” su resto mortal den un truck di pam cantu di caminda.

Susto, spantu, gril, henter e comunidad a keda ta temtembla. Pero no a dura mucho cu nan a hanja e culpabilenan. Tabata L.S., R.D.P. y F.V.d.L. Te aki e relato di e corant.

Loke ta stranja tur hende ta di con nunca e casa aki a worde atende dilanti tribunal, nunca mas corantnan a menciona un palabra tocante e casa.

Querida amiganan, boso por bisa ta pakiko nunca Baas Tommy lo tende mas dje caso aki?

(Contesta correcto atro siman.)

Air Condition
your home

„Baby Grandi”



Aki nos ta presenta Alexander y su mama, Pamela. Nan ta biba den dierentuin di Brookfield na Chicago (America). Awor Alexander tin dos dia cu e ta na mundo. E ta cinco pia haltu caba. Su mama, Pamela, ta 14 pia haltu.

NA TUR CAS



NO TA EXISTI MIHOR

Aguila Gris y Dakota Bill

(Pa muchanan mas grandi)



NO. 5

Aguila Gris a laga e bandido cu ta muriendo y e otro herida na e lugar di combate, den speranza cu soldanan lo hanja nan despues. E ta bai pa den direccion dje pueblo cu ta mas acera cu e bandido number tres cual e tin preso. Aguila riba su pony y e bandido cu un las na su bariga, cu man den boel ta camna dilanti.

No tabata un biha facil pa e bandido. Cuminda tabata masha scars y solo tabata kima. E verf maron cu e la hunta su cara cu ne ta dirti y ta corre na su cara pasa den su wowo, apenas e por a tene un wowo habri, e otro tabata jen dje verf. Pero e indian no ta mustra ningun clase di compasion cu ne, y e biha ta sigui.

„Mi sjonka” — camna cacacho — e tabata ordena.

Aparentemente e indian tabata haci apuro awor pa sali foi dje prisonera aki. Y por lo demas e bandido a cuminsa comprende cu no ta cerca e otro indigannan e ta bai, asina cu e no tin di pensa mas riba e martelpaal. Loke e indian ta bai haci cu he, no ta facil pa

comprende sinembargo. Serca sheriff e no por hibe, pasobra nan lo tira e indian mata mes ora pasobra e ta un Dakota. Ta parse tambe cu e no kier mata su prisonero, pasobra esaki e por a haci hopi ora caba si e tabata kier. E bandido no ta comprende nada mas dje asunto aki, pero toch ta sinti su mes poco mas aliviado awor cu e ta mas sigur cu no ta martelpaal sera e indiannan ta su fin.

Tabata laat caba ora cu nan a jega na un llano poco haltu, fin di nan viaje. Na un grupo di poco palu e indian ta baha foi su cabai, saca un las foi su tas y tira esaki den un dje palunan.

Mes ora e bandido ta perde tur speranza, pensando cu e ta bai worde horca awor. No tabata sistema di indian berdaderamente, pero e por a sinja-esaki foi dje blancunan: Y awor cu e no tin nada mas pa perde e ta bai entrega su cuero mas

caro cu e por, y ta bai prueba esaki cu un schop fenonimo contra pia dje indian. Pero e la kiboka. Un guerrero bibo manera Aguila Gris ta difitil pa bo sorpresa. Esaki ta cohe pia dje bandido te ne, y cu su mannan fuerte ta duna esaki un bira cu e homber ta bai cai aja banda riba su lomba manera un patia berde, cu un solo ploff. Aguila Gris ta lamte y mare bon na e palu. E susto cu tabata sali foi dje homber su wowonan ta cambia pa sorpresa awor, ora cu despues e ta bon mara na e palu, e indian ta subi su cabai y ta desaparece den otro direccion di loke nan a bini.

Dakota Bill ta acepta un job.

Jim Loco a regresa cu un sombre jen di buracu di bala di scopet, dos pasahero herida y un cabai menos ta hala su coche. Prome cu e contesta tur e multitud di hende cu jen di curiosidad

ta rondone, e ta bai den cantina pa fresca su garganta y pa hanja rosea. E tabata sinti su mes masha importante. Ta socede cu mitar dje pueblo di Independencia ta colga na su lipnan prome cu e saca prome palabra. No ta nada stranjo cu Jim Loco, tabata sinti su mes un homber di masha importancia. E ta len cantu di su cabai, waak e hendenan rond di dje di cabes te pia, y tabata prepara pa cuminsa cu su relato.

„Boso tur conoce mi berdad”, e ta cumisa solemn y ta mira con tur hende ta sagundi cabes cu si, locual ta hacie mas satisfeco ainda. Berdaderamente tur hende conoce Jimmy, como e jine-te spierito cu ta percura pa nan post, tambe como e ganjador di mas grandi, y un loco cu ta dispuesto na cualkier cos, den circulo d mas di 100 milla rond di nan.

„Boso tur conoce mi”, e

ta ripiti. „Y boso tur sa cu Jim Cawley mester ta berdaderamente den hopi difitultad prome cu e entrega su job”. E ta waak tur rand, „of algun di boso nan ta duda di mi, of hanja cu mi ta un ganjador?” Tur hende mas di un bez nan a bise caba, cu e ta e ganjador di mas grandi cu nan a tapa den nan bida, pero e biaha aki tur ta di acuerdo cu ne, cu e no sa ganja. Nan tabata curioso pa sabi kiko a pasa, y nan no kier a perde mas tempo cu su casnan di spektakel.

„Mi ta un bon trahador, bon pa mi trabao, mara un man di mi riba mi lomba y pone un indian contra mi, mi ta pusta cu mi ta vence ainda. Pero contra mas di 100 di nan, esei si ta imposible, carda cu ta un hende mi ta. E ta wak tur rond, pa tin sigur cu tur hende ta di acuerdo cu ne. Mas di mil, Jim Loco ta continua. Ma tumba hopi foi nan cabai,

pero kiko mi haci si mi banaan di scopet a caba? Es-un cu sa, papia num!”

En... MESKER maakt mijn MEUBELN

„Sigui conta bo mes, un dje hendenan ta bisa. „Bo ta papia cantidad di coi loco dje ora, pero nos no sa ainda ta kiko a pasa”. Bo no por conta un poco mas decente?”

Jen di menosprecio Jim ta waak e homber. „Mi ta conta na mi manera, e ta bisa, y si bo no ta gusta asina, laga cai.”

Esta un sorpresa pa Jim, e homber a bai berdad, y no e so, mas hende a cuminsa ta bai. Un di nan a corda cu tabatin un hoben mas den e coche ora cu nan a jega, y cu e la bai den cantina y no a sali mas. E la bai serca dje y nan conversacion a hala atencion, y Jim Loco a perde su publico....

— E ta sigui



PA TUR SORTO di INSTALACION di LIGHTING FIXTURES ELINCO
Tel. 1364 - Dakota

Bo ta sinti bo manera un „Rey“ ora bo ta bebe Cerbez.
— ORANJEBOOMBIER —

OFICINA MARITIMA DE ARUBA
Tel. 1622
MUDANZA

„VENEZUELA GRAFICA“
obtenible na UNION STORE
Mainstreet - San Nicolas

HEY ARE HERE at last!!

- ★ THE MIGHTY SPARROW
 - ★ LORD MELODY
 - ★ CYRIL DIAZ' Sextet
- THE GREATEST NAMES IN CALYPSO

personally in the SWINGSTERS SQUARE GARDEN
WEDNESDAY - THURSDAY - FRIDAY starting at 8.00 p.m. in a
que 2 hours performance.

HE SPARROW at his best in:

- ◆ Jack Palance
- ◆ Jonah and the Bake
- ◆ The Situation in Trinidad and others

OMITTANCE: Ringside Fl. 2.— Tribune Fl. 1.—

CKETS ON SALE:
In Oranjestad — REFRESQUERIA INGRID - RIO BAR.
In San Nicolas — THE GIFT SHOP - ACME STORES!!

HOW COME....??
Because you have
AIRCONDITIONING
N.V. ELMAR
Tel. 2170

GRAN FERIA „CASA CUNA“
NA MON PLAISIR SCHOOL
(patras di Wilhelminastadion)

Dia 30 y 31 di October y 1 di Nov.
Dia 7 y 8 di November.

Cu profundo sentimiento nos ta participa
morto di Senjor

AART IN 'T VELD SR.

na bida miembro activo di e directiva di nos
asociacion.

Sociedad di Comerciantenan na Aruba

Semper nos lo warda su grato recuerdo.

PAGINA TRES

Reunion di Staten di A.N.

Hulandes A Bira Lengua Oficial Na Isla'riba

Minimonan pa tarifa di loodsgeld a keda aproba

En continuacion dje discusion di den Staten ayera respecto idioma Holandes como lenga oficial na Isla Riba, Sr. Lopes iniciador ta muntra den su contesta na e oradornan cu el a tende poco pregunta pero hopi derribo. El a bisa cu Debrót ta conoci como enemigo No. 1 di isla 'riba i cu awe nochí el a procede como artista di burlesque. El a bisa cu Romer ta quere cu ta den un mundo di ensueno y ta. El a bisa cu e ta duda cu Van der Hoeven mes sa quico e ta papia. I di Sr. Voges el a bisa cu manera semper esaki no por ta original. I cu Voges ta compara na isla 'riba manera Mussert ta na Hulanda. Sr. Eman cu tabatin tempo pa studia e proyecto aqui formalmente, ta klets numa awor un poco. Sr. Abbad ta exagere si e bisa cu educacion den Holandes ta cuminsa na isla 'riba foi den cuarta of quinta klas caba.

Sr. Debrót cu a contesta di prome den segundo terminj a declara: „Sr. Lopes ta mira spoki. Ningun hende no ta enemigo di Isla 'Riba. Lopes a haci enter e caso aqui un asunto di sintimento.

Van der Hoeven a hanja cu a lo largo a bira imposible pa debati den e Staten aqui. El a haci un esfuerzo enbano na tene e nivel dje debutanen altu, pero esai tabata enbano pa e observacion barata di Sr. Braam tocante citaten etc. Enter mi discursio largo tabata un pregunta. I loque Sr. Lopes a quere di a comprende, e no a comprende absolutamente. Orador a bai profundamente den observacion di Sr. Lopes. E ta muntra cu e senior aqui ta compara un miembro di Staten cu e traidor di patria Mussert. E gran numero di muchanan cu ta queda sinti den klasnan di Isla 'Riba ta pa falta dje problema di idioma. Su mocion ta nifica pa introduci un mehor sistema aya. Sr. Finck ta falta un contraproposicion di oposicion.

Aqui Sr. Van der Hoeven ta muntra su mocion i ta bisa cu semper den asunto di school hendenan di Isla 'Riba a ser trata como segundo ciudadano. „I esai ta inhustio“, e orador a grita. Sr. Voges a muntra cu nan ta haciendo awe nochí algo cu nan mes no por bisa e consecuenecianan, pasobra ningun hende no sa cuanto esaki lo bin costa. E ta bisa cu loque cu Lopes ta desea ta mehoracion dje educacion i e ta bisa acerca cu e educacion aya no t'asina malo manera hende ta quere. Pero cu ta e proyecto aqui no ta basta ni suficiente prepara. Braam ta muntra cu mucho bez citaten ta masha enganoso ora cu nan no ta bon interpreta. den cual citaten Sr. Van der Hoeven ta un experto. di Sr. V.d. H. Eman no tin nada contra mehoracion di educacion na Isla 'Riba, ma e ta contra e sistema di Lopes. Sr. Abbad ta hanja cu educacion na Isla 'Riba tin mester di hopi mehoracion, pero e ta puntra ta paquico Sr. Braam mes no a bini anto cu un proposicion. E asunto aqui no ta basta studia. Ni riba nos pregunta i argumentonan no por hanja contesta. Ta lastima cu ya e debate a tuma un caracter personal envez di a queda objetivo.

Despues cu Sr. Lopes a contesta e oradornan den segundo terminj a bini votacion i partidan di gobierno

KEES GROCERY N.V.
Tel. 1079
Pa calidad, servicio y prijs abao.

STORK VISIT YOU?

ADD ANOTHER ROOM

It's simple—Jalousie your carport, breezeway or porch into a light, airy sun-room, playroom or bedroom. It's wonderfully inexpensive with PRO-TECT-U Jalousies.



MARIO S. ARENDS
Hoofdkantoor: Wilhelminastr. 40
Tel. 1174 - 1177
Warehouse: Dakota 51
Tel. 1175 - 1178
Lucky Strike Building: San Nicolas
Tel. 5018

a gana cu 12-7. Sr. Van der Hoeven a hala su mocion aden.

A suspende e reunion te su maneece 9'or di mainta.

Reunion di mainta
Aqui tabata presente ministronan Van der Meer, Beaulon i Yrausquin i nan avisornan.

Traspaso di puerotonan aerea
Ministro Beaulon a muntra respecto e proyecto menciona cu a ser suspendi sin etiket: gobiernu no por duna terugwerkende kracht. Van der Hoeven i Debrót a baci masha preguntanan paquico esaki a socede. I nan a discuti esaki ampliamente.

Placanan di loods
E punto di agenda aqui a ser discuti masha largo cu agregacionnan

Un matrimonio pa salbacion pa TUYUCHI.

No. 28

„Ta esai solamente ta tur loque bo quier a bisa mi?“ lord Ryeburn a puntra sintiendo su mes indigno dje puro i hermoso amor.

„Si: mucho mas prome mes mi quier a bisa bo esai caba. Pero nunca mi no a tribi na haci esai. Mucho bez mi tabata puntra mi mes si bo tabata conciente com profundo mi tabata stima bo.“

E wowonan cu e muhe a deposita den su cara tabata jen di amor. E no a mira nada cu por a corresponde na su gran afecion; nada otro e no a haci sino un libera estremecimiento i un pena visible. Cu un gesto di verdadera amabilidad el a pone su man riba skouder di su esposu dicensi:

„Por ta existi quizas cualquier nubia denter di nos, Armin?“ e muhe muhe a puntra cu ansia.
„No“, el a contesta cu firmeza.
„Si t'asina anto lo nos ta feliz den nos bida nobo i nos cas nobo.“ Clarisa a duna pa contesta. „Mi ta masha contento, pasobra alafin b'a bisa mi cuanto bo tabata stima mi, mi querido amor.“

CAPITULO XII
Pa Navidad Lord i Lady Norwood a bini Lancendene i lord Ryeburn a manda un invitacion pa su mama pa esaki tambe bin pasa fiesta di Nacemento hunto cu nan. Pero e bonda-dosa senjora aqui no tabata sinti su culpa mucho bon. I ta pesai e no por a bini. I e mama a combida nan pa ora cu fiesta di Pascu a pasa. Pa nan bin pasa un paar di seman cerca dje na Ryeburn Hall. E mama a skirbi nan siguiente carta:

„Ta duel mi cu pa via di enfermedad mi no por ta presente pa celebra Pascu den boso compania, pero alavez mi ta probeca dje ocasion aqui na manda boso un otro invitacion. Esta pa boso bin pasa dos seman cerca mi na Ryeburn Hall pa mi por ta testigo ocular di boso felicidad.“

Lady Ryeburn.
Lady Clarisa a caba di leza e carta aqui cu un suspiro.
I despues di un rato el a puntra:
„Nos ta bai, Armin?“ el a puntra.
„Lo mi tin sumo placer den esai; ta muy natural cu Lady Ryeburn lo

historico pa Sr. Romer quende a muntra cu den siglo 18 Corsou tabata un empalme di comercio i el a muntra cu e por duna su cooperacion den e punto aqui. Pero e datonan no ta suficiente. Sr. Abbad i Debrót a haci algun pregunta respecto situacion di entradanan di barcanan. I quico gobiernu ta haciendo pa haci puerotonan di Corsou i Aruba mas i no tin ningun necesidad dje mocion atractivo. Sr. Braam a avisa contra un gera di tarif. E ministronan a contesta e oradornan i a bisa tanto Sres Romer como Debrót, cu na su debido tiempo nan preguntanan lo ser contesta. Lo nan tene cuenta cu sugestionnan di Sres Braam i Abbad.

Modificacion di Comercio i Codico Penal

Sr. Eman a tuma palabra discuti e punto 6 dje agenda i a splica su motibonan paquico e no por duna su cooperacion na e punto. Ministro a dune su contesta i luego e proyecto a queda acepta.

Determinacion final di cuenta di anja di servicio 1954

Esaki tabata e ultimo punto dje agenda. Sres Abbad i Van der Hoeven a discuti e punto aqui sperando cu e participacion aqui lo ta serio i ta spera cu tension com e cuenta di 1955 lo ser efectua. Ministro a bisa V.d. Hoeven cu e cuenta di 1955 lo ser entrega na Staten prome cu fin dje anja aqui.

Luego e reunion a ser dicide pa 10.30 'or di mainta.

Cumpleaños feliz

Pa cortesia di



— nos tin tur cos pa bo fiesta —

A celebra nan 4 anja di bida matrimonial senjor Eregino Ras y Senjora Clarita. Felicitacion ta bini di nan mama, tata, tur rumannan, sobrinanan, especialmente di nan jiuun Felipe y Lino, tambe di familia Wouters, Bareño, Ras, Kock y Van der Linden.

A cumpli 28 anja senjora Maria Bermudez. Felicitacion ta bini di su esposu Bito, tres jiuun Franklin, Esther y Lourdes, tata, rumannan, suegra, cunja y swanan, comencomper, muy especial di su unico sobrina Debora van der Blik.

A cumpli su aniversario e simpatica senjorita Sira Navas. Felicitacion ta bini di su mama, tata, rumannan, tanta y omonan, welo y wela, primo y primanan, amiganan, conocirnan. Maria Angela, muy especialmente di su amiganan Carmen Ras, Julieta, Annic Croes, familia Anthony y demas familia y conocirnan, Maria Nercisa Henriquez, Bernhard Arends, Regina Wever, Ina Tromp y Elsa Feliciano.

A cumpli 6 anja di feliz existencia Margarita Rodriguez. Felicitacion ta bini di su mama Johanna, tata Jose, rumannan, Sira Cecilia, Beto, Juan, Shon, Sita, Nelia, Doe, Greta, madrina Angelica Orman y demas familia Rodriguez y Geerman.

Awe ta celebra su feliz cumpleaños Filomena Nicolaas. Felicitacion ta bini di su mama, tata, tur su rumannan y wela Petra Caster, tambe di Mario, Dora, Dolfie y Petra Maria Caster, amiganan Lica Vrolijk, Vera Martijn, Margo Ras.

Bo mester di un regalo

pa bo amiga??

MARIO'S

tin LAMPI DI MESA

E hoben Edwin Alexander Geerman ta cumpli 14 anja. Felicitacion ta bini di su mama Stebanita, tata Placido, rumannan Ricardo, Nicolina, Trina, Ramiro, sobrinonan Efrain, Robert, Ludwina, swanan Willem, Nicolaas y Carmen Geerman, madrina Florita Geerman y padrino Hipolito Maduro.

Sra. Adelberta Christiaan a recorda su fecha natal y ta ricibi felicitacion di su esposu Marcelino, 4 jiuun Chin, Diana, Rony, Erik y especialmente di su sobrina Marlin y Jeta Tromp.

E hobencito David Narciso ta celebra su promer anja di feliz existencia i ta ricibi hopi felicitacion di su tata Ernesto, mama Maria, rumannan Gladis, Mildred, welanan Johanita, Felicitia, tio y tianan, primo y primanan, madrina Marcelina Statius, padrino Jozef Statius y demas familia.

Senjora Ermelita Arends, kende ta celebra su cumpleaños ta ricibi hopi felicitacion di su esposu Antonio A. Arends, jiuun, especialmente di Theodosio Ling.

E hobencita Theresita Gomez ta celebra su feliz cumpleaños y e ta ricibi felicitacion di su tata, mama, rumannan Carmen, Cecilia, Margo, Dudu, Justina, Sonia Gomez, omonan y tanta y welo, wela, amiguitanan di school, juffrouw Dian y demas familia Gomez.

Father, mothers and sisters wish e happy birthday ta Robert Barnes.

Happy birthday to Charles Barnes from father, mother, brothers and sisters.

E simpatica senjoritanan Cecilia y Margo Gomez ta celebra nan 18 primaveras. Felicitacion ta bini di nan tata, mama, rumannan Carmen, Dudu, Justina, Sonia Gomez y nan amiganan y amigonan y demas familia Gomez.

A cumpli nan 20 anja di feliz union matrimonial senjor Raymond Henriquez y senjora Estebana Henriquez. Felicitacion ta bini di nan jiuun Francisco, Guillermo, Eduardo, Efrain, Emilio, Epifanio, Benjamin, Siria y tambe di suegro Pedro, van der Linden y tur familia Henriquez y Van der Linden.

Srta. Regina Werleman a cumpli 18 anja, e ta ricibi felicitacion di su tata Feli, mama Ramona, rumannan Evarista, Pedro, Margo, Margarita, Dora, Alberto, su sobrinonan Felix, Nuni, Alex y especialmente di su amiga Paulina Kaersenhout y johan-na Kaersenhout.

Ta celebra su fecha natal senjora Cistita van der Linden. Felicitacion ta bini di su esposu Pedro van der Linden, di Vicente, Crismo, Fanny, sobrinanan y tambe di tur su rumannan, especialmente di Francisca van der Linden.

Pa aviso y tur correspondencia pa „ARUBAANSE COURANT“ dirigib na: Mainstreet 22, Oranjestad. Telefon 1116 Directo y Aviso 1116. Redaccion y Suscripciones: Numero suito di ARUBAANSE COURANT por wordo obtene na San Nicolas na Union Store, Mainstreet.

AGENDA

Dianazon 29 di October
CINE
DE VEER 8.30: House of numbers
RIALTO 8.00: Cien muchachas
PRINCIPAL 10.00: The marriage of the fairy princess
AURORA 7.30:
1. Hell's outpost
2. The fighting chance
SAVANETA 7.30: Little Egypt

TAORO - MANGO juice

BOTICA DI WARDA
Botica del Pueblo
PARTERA
Zr. E.S.T. Braumuller — tel: 1355
Wilhelminastrat 22.

AIR CONDITIONING

RADIO KELKBOOM
Dianazon 29 di October
11.30 Musica varia
12.00 Lunch muziek
12.25 Nieuwsberichten
12.45 Musica Norteamericana
12.55 News in nishell
1.00 Musica, varia
1.30 Clausura
4.00 Musica Meicana
4.30 Cocktail musicat
5.00 Cortijo y su Combo
5.30 Chachacha
5.45 Boleros
6.00 Calypso
6.15 Cumpleaños feliz
6.30 Dinermuziek
6.45 Charla deportiva
7.00 Noticias na Papiament
7.15 Musica varia
7.30 Musica Hulandes
7.45 Nieuwsberichten
8.00 Musica Norteamericana
8.15 Cuando la Noche Cae
8.30 Musica varia
8.45 Orquesta Concepcion
9.00 Peticiones
9.30 Musica varia
10.00 Clausura

TECHNICOLOR
10 dia di servicio pa Ansochrome - Ektachrome - Kodachrome. MIHOR Y MAS RAPIDO.

FOTO IDEAL
Oranjestad
KUSTERS TRADING CO.
Nassaustraat 8

RADIO CARACAS TELEVISION
Canales 2, 7 y 10
Miercoles 29 de octubre:
7.15 Marcha oficial
7.20 Informacion sobre los programas del dia
7.30 Lo de hoy
9.30 Pelicula
11.00 Cita a las once
12.00 Show de las doce

INTERNATIONAL B. F. GOODRICH TIRES
Prijs vanaf Fl. 30.—
S. N. ECURY N.V. ECURY MOTORS LTD.

1.15 Su novela FAB-vorita
1.30 Pelicula
4.00 Club femenino
5.00 Cosas de mujeres
5.30 La perfecta ama de casa
6.00 Circo en el aire
6.15 Cortos
6.45 Pelicula del Oeste
7.00 Bar Toscano
7.15 Novela Unico
7.30 Papa lo sabe todo
8.00 El Observador Creole
8.15 Novela Palmolive
8.30 Venezuela pintoresca
8.45 Tema con variaciones
9.00 Novela Camay
9.15 Novela L. & M.
9.30 La revista de Bin-Ben
10.00 Bingo general
10.30 Cine-programa
12.00 Marcha oficial

y MESKER ta dreccha mi MUEBELNAN

Bo adres
pa:
— Porta di heroe
— Palo di bandera
— Palo pa cubuya di cologa panja

Fa. K. Loonstra
Tel. 1575 - Dakota

Continental



ALLE MATEN VOORRADIG
O.n. 800 x 14 4 ply whitewall
E & G Martijn (Aruba) Ltd

Verf Van Vettewinkel

BEKENDMAKING

Ondergetekende maakt hierbij bekend dat op zaterdag 1 november 1958, (Allerheiligen) zullen de de postkantoren voor het publiek

GESLOTEN ZIJN.

De mailsluitingen zullen plaats vinden op vrijdag, 31 oktober 1958 te 4 uur/n.m.

De Directeur der Posterijen.

